

23 января. Попразднство Богоявления. Святитель Феофан Затворник Вышенский Полиелейная Утреня (приходская)

Священник, начиная каждение у престола:

Благословен Бог наш, всегда, ныне и присно и во веки веков.

Чтец: Аминь. Приидите, поклонимся Цареву нашему Богу.

Приидите, поклонимся и припадём Христу, Цареву нашему Богу.

Приидите, поклонимся и припадём Самому Христу, Цареву и Богу нашему.

Чтец читает двупсалмие; в это время священник совершает полное каждение храма.

Псалом 19

Услышит тя Господь в день печали, защитит тя имя Бога Иаковля. Послет ти помощь от Святаго и от Сиона заступит тя. Помянет всяку жертву твою, и всесожжение твое точно буди. Даст ти Господь по сердцу твоему и весь совет твой исполнит. Возрадуемся о спасении твоём и во имя Господа Бога нашего возвеличимся. Исполнит Господь вся прошения твоя. Ныне познах, яко спасе Господь Христа Своего, услышит его с Небесе Святаго Своего, в силах спасение десницы Его. Сии на колесницах и сии на конех, мы же во имя Господа Бога нашего призовём. Тии спяти быша и падоша, мы же востахом и исправихомся. Господи, спаси царя и услыши ны, воньже аще день призовём Тя.

Псалом 20

Господи, силою Твоею возвеселится царь и о спасении Твоём возрадуется зело. Желание сердца его дал еси ему, и хотения устну его неси лишил его. Яко предварил еси его благословением благостынным, положил еси на главе его венец от камене честна. Живота просил есть у Тебе, и дал еси ему долготу дней во век века. Велия слава его спасением Твоим, славу и велелепие возложиши на него. Яко даси ему благословение во век века, возвеселиши его радостью с лицом Твоим. Яко царь уповает на Господа, и милостию Вышняго не подвижится. Да обрящется рука Твоя всем врагом Твоим, десница Твоя да обрящет вся ненавидящая Тебе. Яко положиши их, яко пещь огненную во время лица Твоего; Господь гневом Своим смятёт я, и снесет их огонь. Плод их от земли погубиши, и семя их от

сынóв человéческих. Яко уклонíша на Тя злáя, помýслиша совéты, íже не возмóгут состáвити. Яко положиши я хребét, во избýтцах Твои́х уго-тóвиши лицé их. Вознесíся, Гóсподи, сíлою Твоéю, воспоём и поём сíлы Твоя́.

Слáва Отцý и Сы́ну и Свято́му Дýху, и ны́не и прíсно и во вéки веко́в. Амíнь.

Святы́й Бóже, Святы́й Кре́пкий, Святы́й Безсме́ртный, помíлуй нас (*трижды*).

Слáва Отцý и Сы́ну и Свято́му Дýху, и ны́не и прíсно и во вéки веко́в. Амíнь.

Пресвята́я Тро́ице, помíлуй нас; Гóсподи, очисти грехи́ на́ша; Влады́ко, прости́ беззакóния на́ша; Святы́й, посети́ и исцели́ немо́щи на́ша, íмене Твоего́ ра́ди.

Гóсподи, помíлуй (*трижды*).

Слáва Отцý, и Сы́ну, и Свято́му Дýху, и ны́не, и прíсно, и во вéки веко́в. Амíнь.

Отче наш, Иже еси́ на Небесéх! Да святíтся íмя Твоé, да приíдет Цáр-ствие Твоé, да бýдет во́ля Твоя́, я́ко на Небеси́, и на земл́и. Хлеб наш на-сýщный даждь нам днесь; и оста́ви нам до́лги на́ша, я́коже и мы остав-ляем должникомó на́шим; и не введи́ нас во искуше́ние, но избáви нас от лука́ваго.

Священник: Яко Твоé есть Цáрство и сíла, и слáва, Отца́, и Сы́на, и Свята́го Дýха, ны́не и прíсно, и во вéки веко́в.

Чтец: Амíнь.

Чтец: Спаси́, Гóсподи, лю́ди Твоя́ и благослови́ досто́яние Твоé: побéды на сопроти́вныя да́руя, и Твоé сохраня́я Крестóм Твои́м жите́льство.

Слáва Отцý и Сы́ну и Свято́му Дýху.

Вознеси́йся на Крест во́лею, тезоименíтому Твоему́ но́вому жите́льству щедрóты Твоя́ да́руй, Христé Бóже; возвесели́ нас сíлою Твоéю, побéды да́я нам на сопостáты, посóбие имúщим Твоé ору́жие ми́ра – непобе-дímую побéду.

И ны́не и прíсно и во вéки веко́в. Амíнь.

Предстáтельство стра́шное и непосты́дное, не прéзри, Благáя, моли́тв на́ших, Всепéтая Богороди́це; утверди́ правосла́вных жите́льство, спаси́

вѣрныя лю́ди Твоя́ и пода́ждь им с Небесе́ побѣду; зане́ родила́ еси́ Бѳга, едина́ Благословѣнная.

Ектенія сугубая

Священник: Помилуй нас, Бѳже, по велицей милости Твоей, молим Ти ся, услыши и помилуй.

Лик: Гѳсподи, помилуй *(трижды на каждое прошение)*.

Священник: Еще́ молимся о Великом Господине́ и отце́ нашем, Святѣйшем Патри́архе Кири́лле, и о всей во Христѣ́ бра́тии нашей.

Священник: Еще́ молимся о Богохрани́мей странѣ́ нашей, власте́х и во́инстве ея́, да тихое и безмѳлвное житиѣ́ поживѣ́м во всяком благоче́стии и чистоте́.

Священник: Еще́ молимся за всю бра́тию и за вся христи́аны.

Священник: Яко́ Милостив и Человеколю́бец Бог еси́, и Тебе́ сла́ву возсыла́ем, Отцу́ и Сы́ну и Свято́му Ду́ху, ны́не и прѣсно и во ве́ки веко́в.

Лик: Ами́нь. Именем Господ́ним благослови́, ѳтче.

Священник: Сла́ва Святѣй, и Единосу́щней, и Животворя́щей, и Неразде́льной Трои́це всегда́, ны́не и прѣсно и во ве́ки веко́в.

Лик: Ами́нь.

Шестопсалмие

И начинаем шестопсалмие, слушая со всяким молчанием и умилением; читающий же брат с благоговением и страхом Божиим произносит:

Чтец: Слава в вѣшних Бѳгу, и на земли́ мир, в челове́цех благоволе́ние. *(Трижды)*

Гѳсподи, устне́ мои́ отвори́ши, и уста́ моя́ возвестя́т хвалу́ Твою́. *(Дважды)*

Псалом 3

Гѳсподи, что ся умно́жиша стужа́ющии ми? Мно́зи востаю́т на мя, мно́зи глаго́лют души́ мое́й: несть спасѣ́ния ему́ в Бѳзе его́. Ты же, Гѳсподи, Засту́пник мой еси́, сла́ва моя́ и вознося́й главу́ мою́. Гла́сом мо́им ко Гѳсподу́ воззва́х, и услы́ша мя от горы́ святы́я Своея́. Аз усну́х, и спях, воста́х, яко́ Господь засту́пит мя. Не убою́ся от тем люде́й, ѳкрест напа́дающих на мя. Воскресни́, Гѳсподи, спаси́ мя, Бѳже мой, яко́ Ты порази́л еси́

вся враждующыя ми все: зѹбы грѣшников сокрушил еси. Господне есть спасение, и на людех Твоих благословение Твое.

Аз уснух и спях; востах, яко Господь заступит мя.

Псалом 37

Господи, да не яростию Твоею обличиши мене, ниже гневом Твоим накажеша мене. Яко стрелы Твоя унзоша во мне, и утвердил еси на мне руку Твою. Нестъ исцеления в плоти моей от лица гнева Твоего, несть мира в костех моих от лица грех моих. Яко беззакония моя превзыдоша главу мою, яко бремя тяжкое отяготеша на мне. Возсмердеша и согниша раны моя от лица безумия моего. Пострадах и слякохся до конца, весь день сетуя хождях. Яко лядвия моя наполнишася поруганий, и несть исцеления в плоти моей. Озлоблен бых и смирихся до зела, рыках от воздыхания сердца моего. Господи, пред Тобою все желание мое и воздыхание мое от Тебе не утайся. Сердце мое смятеса, остави мя сила моя, и свет очию моею, и той несть со мною. Друзи мой и искреннии мой прямо мне приближишася и сташа, и ближнии мой отдалече мене сташа и нуждахуся ищущи душу мою, и ищущи злая мне глаголаху суетная и лстивным весь день поучахуся. Аз же яко глух не слышах и яко нем не отверзая уст своих. И бых яко человек не слышай и не имый во устех своих обличения. Яко на Тя, Господи, уповах, Ты услышиши, Господи Боже мой. Яко рех: да не когда порадуют ми ся врази мой: и вегда подвижатися ногам моим, на мя велеречеваша. Яко аз на раны готов, и болезнь моя предо мною есть вина. Яко беззаконие мое аз возвещу и попекуся о гресе моем. Врази же мой живут и укрепшася паче мене, и умножишася ненавидящии мя без правды. Воздающии ми злая возлагая оболгаху мя, зане гонях благостыню. Не остави мене, Господи Боже мой, не отступи от мене. Вонми в помощь мою, Господи спасения моего.

Не остави мене, Господи Боже мой, не отступи от мене. Вонми в помощь мою, Господи спасения моего.

Псалом 62

Боже, Боже мой, к Тебе утреннюю, возжада Тебе душа моя, коль множицею Тебе плоть моя, в земли пусте и непроходне, и безводне. Тако во святем явихся Тебе, видети силу Твою и славу Твою. Яко лучши милость Твоя паче живот, устне мой похвалите Тя. Тако благословлю Тя в животе моем, о имени Твоем воздежу рuce мой. Яко от тука и масти да исполнится душа моя, и устнама радости восхвалят Тя уста моя. Аще поминах Тя на по-

стѣли моѣй, на ўтренних поучахся в Тя. Яко был еси помощник мой, и в крове крилу Твоею возрадуюся. Прильпе душа моя по Тебе, мене же прият десница Твоя. Тии же все искаша душу мою, внидут в преисподняя земли, предадутся в руки оружия, части лисовом будут. Царь же возвеселится о Бозе, похвалится всяк кленыйся Им, яко заградися уста глголющих неправедная.

На ўтренних поучахся в Тя, яко был еси Помощник мой, и в крове крилу Твоею возрадуюся.

Прильпе душа моя по Тебе, мене же прият десница Твоя.

Слава Отцу, и Сыну, и Святому Духу, и ныне, и присно, и во веки веков. Аминь.

Аллилуйя, аллилуйя, аллилуйя, слава Тебе, Боже. *(Трижды, без поклонов)*

Господи помилуй *(трижды)*.

Слава Отцу, и Сыну, и Святому Духу, и ныне, и присно, и во веки веков. Аминь.

Псалом 87

Господи Боже спасения моего, во дни возвах, и в ночи пред Тобою. Да внидет пред Тя молитва моя: приклони ухо Твое к молению моему, яко исполнися зол душа моя, и живот мой аду приближися. Привменен бых с низходящими в ров, бых яко человек без помощи, в мертвых свободь, яко язвенни спящии во гробе, ихже не помянул еси ктому, и тии от руки Твоея отриновени быша. Положиша мя в ров преисподнем, в темных и сени смертной. На мне утвердися ярость Твоя, и вся волны Твоя навел еси на мя. Удалил еси знаемых моих от мене, положиша мя мерзость себе: предан бых и не исхождах. Очи мои изнемогосте от нищеты, возвах к Тебе, Господи, весь день, вздох к Тебе рuce мой. Еда мертвыми твориши чудеса? Или врачеве воскресят, и исповедятся Тебе? Еда повесть кто во гробе милость Твою, и истину Твою в погибели? Еда познана будут во тьме чудеса Твоя, и правда Твоя в земли забвенней? И аз к Тебе, Господи, возвах и утро молитва моя предварит Тя. Вскую, Господи, отрееши душу мою, отвращаеши лице Твое от мене? Нищ есмь аз, и в трудех от юности моея; вознес же ся, смирихся, и изнемогах. На мне преидоша гнѣви Твои, устрашения Твоя возмутisha мя, обидоша мя яко вода, весь день одержаша мя вкупе. Удалил еси от мене друга и искренняго, и знаемых моих от страстей.

Господи Боже спасения моего, во дни возвах и в ночи пред Тобою. Да внидет пред Тя молитва моя, приклони ухо Твое к молению моему.

Псалом 102

Благослови, душе моя, Господа, и вся внутренняя моя имя святое Его. Благослови, душе моя, Господа, и не забывай всех воздаяний Его, очищающего вся беззакония твоя, исцеляющего вся недуги твоя, избавляющего от истления живот твой, венчающего тя милостию и щедротами, исполняющего во благих желание твое: обновится яко орля юность твоя. Твори милостины Господь, и судьбу всем обидимым. Сказа пути Своя Моисею, сыновом Израилевым хотения Своя: щедр и милостив Господь, долготерпелив и многомилостив. Не до конца прогневается, ниже во век враждует, не по беззаконием нашим сотворил есть нам, ниже по грехом нашим воздал есть нам. Яко по высоте небесней от земли, утвердил есть Господь милость Свою на боящихся Его. Елико отстоят востоцы от запад, удалил есть от нас беззакония наша. Якоже щедрит отец сыны, ущедри Господь боящихся Его. Яко Той позна создание наше, помяну, яко персть есмь. Человек, яко трава дние его, яко цвет сельный, тако оцветет, яко дух пройде в нем, и не будет, и не познает ктому места своего. Милость же Господня от века и до века на боящихся Его, и правда Его на сынех сынов, хранящих завет Его, и помнящих заповеди Его творити я. Господь на небеси уготова престол Свой, и Царство Его всеми обладает. Благословите Господа вси Ангели Его, сильнии крепостию, творящии слово Его, услышати глас словес Его. Благословите Господа вся силы Его, слуги Его, творящии волю Его. Благословите Господа вся дела Его, на всяком месте владычества Его, благослови, душе моя, Господа.

На всяком месте владычества Его, благослови, душе моя, Господа.

Псалом 142

Господи, услыши молитву мою, внуши моление мое во истине Твоей, услыши мя в правде Твоей и не вниди в суд с рабом Твоим, яко не оправдится пред Тобою всяк живый. Яко погна враг душу мою, смирил есть в землю живот мой, посадил мя есть в темных, яко мертвья века. И уни во мне дух мой, во мне смятесе сердце мое. Помянух дни древния, поучихся во всех делех Твоих, в творениих руку Твоею поучахся. Воздох к Тебе руке мой, душа моя, яко земля безводная Тебе. Скоро услыши мя, Господи, исчезе дух мой, не отврати лица Твоего от мене, и уподоблюся низходящим в ров. Слышану сотвори мне заутра милость Твою, яко на Тя упо-

ва́х. Скажи́ мне, Го́споди, путь во́ньже пойду́, я́ко к Тебе́ взях ду́шу мою́. Изми́ мя от враг мо́их, Го́споди, к Тебе́ прибего́х. Научи́ мя твори́ти во́лю Твою́, я́ко Ты еси́ Бог мой. Дух Твой благи́й наста́вит мя на зе́млю пра́ву. И́мене Твоего́ ра́ди, Го́споди, живи́ши мя, пра́вдою Твое́ю изведе́ши от печа́ли ду́шу мою́. И ми́лостью Твое́ю потреби́ши враги́ моя́ и погуби́ши вся стужа́ющыя души́ мое́й, я́ко аз раб Твой есмь.

Услы́ши мя, Го́споди, в пра́вде Твое́й, и не вни́ди в суд с рабо́м Твои́м.

Услы́ши мя, Го́споди, в пра́вде Твое́й, и не вни́ди в суд с рабо́м Твои́м.

Дух Твой Благи́й наста́вит мя на зе́млю пра́ву.

Сла́ва Отцу́, и Сы́ну, и Свято́му Ду́ху, и ны́не, и при́сно, и во ве́ки веко́в. Ами́нь.

Аллилу́ия, аллилу́ия, аллилу́ия, сла́ва Тебе́, Бо́же. *(Трижды)*

Ектения великая

Диакон: Ми́ром Го́споду помо́лимся.

Лик: Го́споди, поми́луй. *(на каждое прошение)*

Диакон: Заступи́, спаси́, поми́луй и сохрани́ нас, Бо́же, Твое́ю благода́тию

И прошения по чину.

Диакон: Пресвяту́ю, Пречи́стую, Преблагословенну́ю, Сла́вную Влады́чицу на́шу Богоро́дицу и Присноде́ву Мари́ю со все́ми святы́ми помяну́вше, са́ми себё́ и друг дру́га, и весь живо́т наш Христу́ Бо́гу преда́дим.

Лик: Тебе́, Го́споди.

Священник: Я́ко подобает Тебе́ всякая сла́ва, честь и поклонение́, Отцу́, и Сы́ну, и Свято́му Ду́ху, ны́не и при́сно, и во ве́ки веко́в.

Лик: Ами́нь.

«Бог Господь»

Диакон: Бог Госпо́дь, и яви́ся нам, благословен Гряды́й во имя Госпо́дне.

Стих 1: Испове́дайтесь Го́сподеви, я́ко Благ, я́ко в век ми́лость Его́.

Глас 1: Бог Госпо́дь, и яви́ся нам, благословен Гряды́й во
и́мя Госпо́дне.

Стих 2: Обыше́дше обыдо́ша мя, и и́менем Госпо́дним противля́хся им.

Лик: Бог Господь, и явися нам, благословен Грядый во имя Господне.

Стих 3: Не умру, но жив буду, и повею дела Господня.

Лик: Бог Господь, и явися нам, благословен Грядый во имя Господне.

Стих 4: Камень, Егже небрегоса зждуци, Сей бысть во главу угла, от Господа бысть Сей, и есть дивен во очесех наших.

Лик: Бог Господь, и явися нам, благословен Грядый во имя Господне.

Тропарь Богоявления, глас 1

Во Иордане крещаящя Тебе, Господи,/ Троическое явися поклонение:/ Родителей бо глас свидетельствоваше Тебе,/ возлюбленного Тя Сына именуя,/ и Дух в виде голубине,/ извествоваше словесе утверждение./ Явлейся Христе Боже// и мир просвещей, слава Тебе. (Дважды)

Слава Отцу, и Сыну, и Святому Духу.

Тропарь свт. Феофана, Затворника Вышенского, глас 8

Православия наставниче,/ благочестия учителю и чистоты,/ Вышинский подвижниче, святителю Феофане богомудре,/ писанными твоими Слово Божие изъяснил еси/ и всем верным путь ко спасению указал еси,// моли Христа Бога спастися душам нашим.

И ныне, и присно, и во веки веков. Аминь.

Тропарь Богоявления, глас 1

Во Иордане крещаящя Тебе, Господи,/ Троическое явися поклонение:/ Родителей бо глас свидетельствоваше Тебе,/ возлюбленного Тя Сына именуя,/ и Дух в виде голубине,/ извествоваше словесе утверждение./ Явлейся Христе Боже// и мир просвещей, слава Тебе.

Лик: Гóсподи, помíлуй. **(Трижды)** Сла́ва Отцу́ и Сы́ну и Свято́му Ду́ху.

Чтец: И ны́не и прíсно, и во ве́ки веко́в. Ами́нь.

Кафизма 19

Псалом 136

На река́х Вавило́нских, та́мо седóхом и пла́кахом, внегда́ помяну́ти нам Си́она. На ве́рбиих посреде́ его́ обéсихом орга́ны на́ша. Яко́ та́мо вопро́сиша ны́ плéншии нас о словесéх пéсней и ве́дшии нас о пéнии: воспóйте нам от пéсней Си́онских. Ка́ко воспóем песнь Госпóдню на земл́и чужде́й? А́ще забúду тебе́, Иерусали́ме, забвéна бу́ди десни́ца моя́. Прильпни́ язы́к мой гортáни моему́, а́ще не помяну́ тебе́, а́ще не предложу́ Иерусали́ма, я́ко в нача́ле весéлия моего́. Помяни́, Гóсподи, сы́ны Едо́мския, в день Иерусали́мль глаго́лющыя: истощáйте, истощáйте до основáний его́. Дщи Вавило́ня ока́янная, блаже́н и́же возда́ст тебе́ воздая́ние твоё, е́же воздалá еси́ нам. Блаже́н и́же имéт и разбиéт младе́нцы тво́я о ка́мень.

Чтец: Сла́ва Отцу́ и Сы́ну и Свято́му Ду́ху.

Лик: И ны́не и прíсно, и во ве́ки веко́в. Ами́нь. Аллилúа, аллилúа, аллилúа, сла́ва Тебе́ Бо́же. **(Трижды)** Гóсподи, помíлуй. **(Трижды)** Сла́ва Отцу́ и Сы́ну и Свято́му Ду́ху.

Чтец: И ны́не и прíсно, и во ве́ки веко́в. Ами́нь.

Псалом 137

Испове́мся Тебе́, Гóсподи, всем се́рдцем мо́им, и пред А́нгелы воспою́ Тебе́, я́ко услы́шал еси́ вся глаго́лы уст мо́их. Поклоню́ся ко хра́му свято́му Твоему́ и испове́мся и́мени Твоему́ о ми́лости Твое́й и и́стине Твое́й, я́ко возвели́чил еси́ над всем и́мя Твоё́ свято́е. Во́ньже а́ще день призову́ Тя, ско́ро услы́ши мя: умно́жиши мя в ду́шѣ мо́ей си́лою Твое́ю. Да испове́дятся Тебе́, Гóсподи, вси ца́рие зéмстии, я́ко услы́шаша вся глаго́лы уст Тво́их, и да воспо́ют в путе́х Госпóдних, я́ко ве́лия сла́ва Госпóдня, я́ко вы́сок Госпóдь, и смире́нныя призира́ет, и вы́сокая изда́леча весть. А́ще пойду́ посреде́ ско́рби, живи́ши мя, на гнев враг мо́их просте́рл еси́ руку́ Твою́, и спасе́ мя десни́ца Тво́я. Госпóдь возда́ст за мя. Гóсподи, ми́лость Тво́я во век, дел руку́ Твое́ю не прéзри.

Чтец: Сла́ва Отцу́ и Сы́ну и Свято́му Ду́ху.

Лик: И ныне и присно, и во веки веков. Аминь. Аллилуиа, аллилуиа, аллилуиа, слава Тебе Боже. **(Трижды)** Господи, помилуй. **(Трижды)** Слава Отцу и Сыну и Святому Духу.

Чтец: И ныне и присно, и во веки веков. Аминь.

Псалом 139

Изми мя, Господи, от человека лукава, от мужа неправедна избави мя, иже помыслиша неправду в сердце, весь день ополчаху брани, изостриша язык свой, яко змиин, яд аспидов под устнами их. Сохрани мя, Господи, из руки грешничи, от человек неправедных изми мя, иже помыслиша запяти стопы моя. Скрыша гордии сеть мне, и ужы препяша сеть ногами моима. При стези соблазны положиша ми. Рех Господеви: Бог мой еси Ты, внуши, Господи, глас моления моего. Господи, Господи, сила спасения моего, осенил еси над главою моею в день брани. Не предаждь мене, Господи, от желания моего грешнику: помыслиша на мя, не остави мене, да не когда вознесутся. Глава окружения их, труд устен их покрывает я. Падут на них угля огненная, низложиши я в страстех, и не постоят. Муж язычен не исправится на земли: мужа неправедна злая уловят во истление. Познах, яко сотворит Господь суд нищим и мечь убогим. Обаче праведнии исповедятся имени Твоему, и вселятся правии с лицом Твоим.

Чтец: Слава Отцу и Сыну и Святому Духу, и ныне и присно, и во веки веков. Аминь.

Аллилуиа, аллилуиа, аллилуиа, слава Тебе Боже. **(Трижды)**

Ектения малая

Диакон: Паки и паки, миром Господу помолимся.

Лик: Господи, помилуй.

Диакон: Заступи, спаси, помилуй и сохрани нас, Боже, Твоею благодатию.

Лик: Господи, помилуй.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию со всеми святыми помянувше, сами себе и друг друга, и весь живот наш Христу Богу предадим.

Лик: Тебе, Господи.

Священник: Яко Твоя держава, и Твое есть царство, и сила, и слава, Отца и Сына и Святаго Духа, ныне, и присно, и во веки веков.

Лик: Аминь.

Седален по 1-ом стихословию

Чтец: Непостижимый Свет от Света, Христос Господь, / почив в тебе, святителю Феофане, / пресветла суща покажи ты миру, / яко блистаеши светлым житием, / озаряеши лучами учений, сияеши чудесы: / темже ныне празднуем святую память твою. *(Дважды)*

Слава Отцу, и Сыну, и Святому Духу, и ныне и присно, и во веки веков. Аминь.

Владыка днесь на Иордан прииде, крестився в водах от Божественного Предтечи. / Свыше же отец свидетельствовал: / Сей есть Сын Мой, в Немже благоизволих. / И Дух явился странным видом голубиным над Ним.

Лик: Господи, помилуй. *(Трижды)* Слава Отцу и Сыну и Святому Духу.

Чтец: И ныне и присно, и во веки веков. Аминь.

Кафизма 20

Псалом 143

Благословен Господь Бог мой, научаяй рuce мой на ополчение, персты моя на брань. Милость моя и прибежище мое, Заступник мой и Избавитель мой, Защититель мой, и на Него уповах: повинуйя люди моя под мя. Господи, что есть человек, яко познался еси ему? Или сын человек, яко вменяеши его? Человек суете уподобися: дние его яко сень переходят. Господи, приклони небеса, и сниди, коснися горам, и воздымятся. Блесни молнию, и разжениши я, послй стрелы Твоя, и сметиши я. Послй руку Твою с высоты, изми мя и избави мя от вод многих, из руки сынов чуждых, ихже уста глаголаша суету, и десница их – десница неправды. Боже, песнь нову воспою Тебе, во псалтири десятиструннем пою Тебе, дающему спасение царем, избавляющему Давида, раба Своего, от меча люта. Избави мя, и изми мя из руки сынов чуждых, ихже уста глаголаша суету, и десница их – десница неправды. Ихже сынове их яко новосаждения водруженная в юности своей. Дщери их удобрены, преукрашены, яко подобие храма. Хранилища их исполнена, отрыгающая от сего в сие, ов-

цы их многоплодны, множащися во исходищах своих, волове их толсти. Несть падения плоту, ниже прохода, ниже вопля в стогнах их. Ублажиша люди, имже сия суть. Блажени людие, имже Господь Бог их.

Чтец: Слава Отцу и Сыну и Святому Духу.

Лик: И ныне и присно, и во веки веков. Аминь. Аллилуиа, аллилуиа, аллилуиа, слава Тебе Боже. **(Трижды)** Господи, помилуй. **(Трижды)** Слава Отцу и Сыну и Святому Духу.

Чтец: И ныне и присно, и во веки веков. Аминь.

Псалом 146

Хвалите Господа, яко благ псалом. Божови нашему да усладится хваление. Зиждай Иерусалима Господь, разсеяния Израилева соберет. Исцеляяй сокрушенные сердцем и обязуяй сокрушения их. Исчитааяй множество звезд и всем им имена нарицааяй. Велий Господь наш, и велия крепость Его, и разума Его несть числа, Приемляй краткия Господь, смиряяй же грешники до земли. Начните Господеву во исповедании, пойте Божови нашему в гуслах. Одевающему небо облаки, уготовляющему земли дождь, прозябающему на горах траву и злак на службу человеком, дающему скотом пищу их, и птенцем врановым призывающим Его. Не в силе констей восхощет, ниже в листьях мужеских благоволит. Благоволит Господь в боящихся Его и во уповающих на милость Его.

Чтец: Слава Отцу и Сыну и Святому Духу.

Лик: И ныне и присно, и во веки веков. Аминь. Аллилуиа, аллилуиа, аллилуиа, слава Тебе Боже. **(Трижды)** Господи, помилуй. **(Трижды)** Слава Отцу и Сыну и Святому Духу.

Чтец: И ныне и присно, и во веки веков. Аминь.

Псалом 147

Похвали, Иерусалиме, Господа, хвали Бога Твоего, Сионе, яко укрепил врат твоих, благослови сыны твои в тебе. Полагаяй пределы Твой мир, и тука пшенична насыщаяй тя. Посылаяй слово Свое земли, до скорости течет слово Его, дающего снег Свой, яко волну, мглу, яко пепел, посыпающего, метаящего голоть Свой, яко хлеба. Противу лица мраза Его кто постоит? Послет Слово Свое, и истает я, дхнет Дух Его, и потекут

вóды. Возвещáяй слóво Своё Иáкову, оправдáния и судьбы́ Своя́ Израи́леви. Не сотвори́ тако́ всякому́ язы́ку, и судьбы́ Своя́ не яви́ им.

Чтец: Сла́ва Отцу́ и Сы́ну и Свято́му Ду́ху, и ны́не и прísно, и во ве́ки веко́в. Ами́нь. Аллилу́иа, аллилу́иа, аллилу́иа, сла́ва Тебе́ Бо́же. *(Трижды)*

Ектения малая

Диакон: Па́ки и па́ки, ми́ром Го́споду помо́лимся.

Лик: Го́споди, поми́луй.

Диакон: Заступи́, спаси́, поми́луй и сохрани́ нас, Бо́же, Твое́ю благода́тию.

Лик: Го́споди, поми́луй.

Диакон: Пресвяту́ю, Пречи́стую, Преблагословенную, Сла́вную Влады́чицу на́шу Богороди́цу и Присноде́ву Мари́ю со все́ми святы́ми помяну́вше, са́ми себё́ и друг дру́га, и весь живóт наш Христу́ Бо́гу преда́дим.

Лик: Тебе́, Го́споди.

Священник: Я́ко благ и Человеколю́бец Бог еси́, и Тебе́ сла́ву возсыла́ем, Отцу́ и Сы́ну и Свято́му Ду́ху, ны́не и прísно, и во ве́ки веко́в.

Лик: Ами́нь.

Седален по 2-ом стихословии

Чтец: Непостижи́мый Свет от Све́та, Христóс Господь, / почи́в в тебе́, святителю, / яви́ тебе́ я́ко ре́вностна свидéтеля́ и́стины в Це́ркви Своёй, / в ра́дость и спасéние всех, / любóвию чтущих па́мять твою́. *(Дважды)*

Сла́ва Отцу́, и Сы́ну, и Свято́му Ду́ху, и ны́не и прísно, и во ве́ки веко́в. Ами́нь.

Богоявлéния вре́мя, Христóс яви́ся нам во Иорда́не реце́. / Прииди́те, почерпéм, ве́рнии, во́ду оставлéния грехóв на́ших: / Христóс бо плóтию при́иде, овча́те ища́, зверьми́ похищеннаго, / и обрёт, введé, я́ко Благоутрóбен в ра́й па́ки. / Христóс яви́ся на Иорда́не и мир просвети́.

Полиелей

Лик: Хвалите́ и́мя Господне́, хвалите́, раби́ Го́спода.

Припев: Аллилу́ия *(трижды)*.

Благословен Господь от Сиона, живый во Иерусалиме.

Припев: Аллилуия *(трижды)*.

Исповедаетесь Господеви, яко благ, яко в век милость Его.

Припев: Аллилуия *(трижды)*.

Исповедаетесь Богу Небесному, яко в век милость Его.

Припев: Аллилуия *(трижды)*.

Величание

Лик: Величаем тя, / святителю отче Феофане, / и чтим святую память твою: / ты бо молиши за нас // Христа, Бога нашего.

Стих: Услышите сия, вси языцы, внушите, вси, живущии по вселенней.

Лик: Ублажаем тя, / преподобне отче Серафиме, / и чтим святую память твою, / наставниче монахов // и собеседниче Ангелов.

Стих: Уста моя возглаголют премудрость, и поучение сердца моего разум. **Величание.**

Стих: Приидите чада, послушайте мене, страху Господню научу вас. **Величание.**

Стих: Благовестих правду в Церкви велицей. **Величание.**

Лик: Слава Отцу и Сыну и Святому Духу и ныне и присно и во веки веков, аминь. Аллилуия, аллилуия, аллилуия, слава Тебе, Боже. *(Дважды)*

Ектения малая

Диакон: Паки и паки, миром Господу помолимся.

Лик: Господи, помилуй.

Диакон: Заступи, спаси, помилуй и сохрани нас, Боже, Твоею благодатью.

Лик: Гóсподи, помíлуй.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию со всеми святыми помянувши, сами себе и друг друга, и весь живот наш Христу Богу предадим.

Лик: Тебé, Гóсподи.

Священник: Яко благ и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно, и во веки веков.

Лик: Амíнь.

Седаљны по полиелее:

Премудрый учителю,/ твердый истины Христовы поборниче,/ утверди сердца наша в вере православней,/ к тебе прибегаем и тебе молимся,/ молись о нас ко Господу,/ святителю отче Феофане. *(Дважды)*.

Слава Отцу, и Сыну, и Святому Духу, и ныне и присно, и во веки веков. Амíнь.

Богоявления время, Христос явился нам во Иордане реце./ Приидите, почерпем, вернии, воду оставления грехов наших:/ Христос бо плотию прииде, овчате ища, зверьми похищенного,/ и обрет, введе, яко Благоутробен в рай паки./ Христос явился на Иордане и мир просвети.

Антифон 1, глас 4

Лик: От юности моея/ мнози борют мя страсти,/ но Сам мя заступи,/ и спаси, Спасе мой.

Ненавидящи Сиона,/ посрамитесь от Господа,/ яко трава бо огнем / будете иссохше.

Слава Отцу и Сыну и Святому Духу.

Святым Духом/ всяка душа живится,/ и чистотою возвышается,/ светлется Троическим Единством священнотайне.

И ныне и присно и во веки веков. Амíнь.

Святѣм Дѹхом/ всяка душа живѣтся,/ и чистотою возвышаѣтся,/ светлѣется Трѣическим Едѣнством священнотѣйне.

Чтение Евангелия

Диакон: Вѣнмем. Премѹдрость. Вѣнмем.

Прокимен свт. Феофана, Затворника Вышенскаго

Диакон: Прокимен, глас 4: Честна пред Господем / смѣрть преподѣбных Егѣ.

Лик: Глас 4: Честна пред Господем / смѣрть преподѣбных Егѣ.

Диакон: Стих: Что воздам Господеву о всех, яже воздаде ми.

Лик: Честна пред Господем / смѣрть преподѣбных Егѣ.

Диакон: Честна пред Господем

Лик: смѣрть преподѣбных Егѣ.

Диакон: Господу помѣлимся.

Лик: Господи, помѣлуй.

Молитва перед чтением Евангелия

Священник: Яко свят еси, Бѣже наш, и во святѣх почиваеши, и Тебѣ славу возсылаем. Отцѹ и Сыну и Святому Дѹху, ныне и присно и во вѣки веков.

Лик: Амѣнь.

Диакон: Всякое дыханіе / да хвалит Господа.

Лик: Всякое дыханіе/ да хвалит Господа.

Диакон: Хвалите Бѣга во святѣх Егѣ, хвалите Егѣ в утвержѣнии силы Егѣ.

Лик: Всякое дыханіе/ да хвалит Господа.

Диакон: Всякое дыханіе

Лик: да хвалит Господа.

Диакон: И о сподѣбитися нам слышанію святаго Евангелия Господа Бѣга мѣлим.

Лик: Гóсподи, помíлуй (*трижды*).

Диакон: Премúдрость, прóсти! Услýшим святаго Евáнгелия.

Священник: Мир всем.

Лик: И дýхови твоeмú.

Диакон: От Лукí святаго Евáнгелия чтéние.

Лик: Слáва Тебé, Гóсподи, слáва Тебé.

Священник: Вóнмем.

Евангелие от Иоанна, зачало 35Б. Святителем на утрени. (Ин.10:1-9)

Речé Госпóдь ко пришéдшим к Немú иудéем: амíнь, амíнь глагóлю вам, не входяй двéрьми во двор óвчий, но прелáзя íнуде, той тать ест и разбóйник. А входяй двéрьми пáстырь ест овцáм. Семú двéрник отверзáет, и óвцы глас егó слýшат, и своя óвцы глашáет по íмени, и изгóнит их. И егдá своя óвцы ижденét, пред нíми хóдит, и óвцы по нем íдут, яко вéдят глас егó. По чуждém же не íдут, но бежáт от негó, яко не знáют чуждáго глáса. Сиú прítчу речé им Исус, онí же не разумéша, что бяше, яже глагóлаше им. Речé же пáки им Исус: амíнь, амíнь глагóлю вам, яко Аз есмь дверь овцáм. Все, елíко их прииде прéжде Менé, тáтие суть и разбóйницы, но не послушаша их óвцы. Аз есмь дверь, Мнóю áще кто внидет, спасéтся, и внидет и изыдет, и пáжить обрящет.

Лик: Слáва Тебé, Гóсподи, слáва Тебé.

Псалом 50

Чтец: Помíлуй мя, Бóже, по велицей мíлости Твоей, и по мнóжеству щедрóт Твоих очíсти беззакóние моé. Наипáче омýй мя от беззакóния моего, и от грехá моего очíсти мя. Яко беззакóние моé аз знáю и грех мой предо мнóю ест вýну. Тебé Едíному согреших, и лукавое пред Тобóю сотворих, яко да оправдíшися во словесéх Твоих и победíши, внегдá судíти Ти. Се бо в беззакóниях зачáт есмь, и во гресéх родí мя мáти моя. Се бо íстину возлюбил есí, безвéстная и тáйная премúдрости Твоея явил ми есí. Окропíши мя иссопом, и очíщуся, омýеши мя, и пáче снéга убелюся. Слуху моемú дáси рáдость и весéлие, возрадуются кóсти смиренныя. Отвратí лицé Твоé от грех моих, и вся беззакóния моя очíсти. Сёрдце чíсто созíжди во мне, Бóже, и дух прав обновí во утрóбе моей. Не отвержи менé от лицá Твоегó, и Дýха Твоегó Святаго не отымí от менé. Воздáждь ми рáдость спасéния Твоегó, и Дýхом Владычним

утверди́ мя. Научу́ беззаконныя путём Твои́м, и нечестивии к Тебѣ обратятся. Избави́ мя от кровей, Бо́же, Бо́же спасения моего́, возра́дуется язы́к мой правде Твое́й. Го́споди, устне́ мой отвѣрзеши, и уста́ моя возвестя́т хвалу́ Твою́. Яко́ аще бы восхотѣл еси́ жѣртвы, дал бых́ убо, всесожжѣния не благоволи́ши. Жѣртва Бо́гу дух сокруше́н, се́рдце сокруше́нно и смире́нно Бог не уничижи́т. Ублажи́, Го́споди, благоволе́нием Твои́м Сио́на, и да сози́ждутся стѣны Иеру́сали́мския. Тогда́ благоволи́ши жѣртву правды, возноше́ние и всесожега́емая: тогда́ возложат на олта́рь Твой тельца́.

Стихиры по 50 псалме

Лик: Глас 6: Сла́ва Отцу́, и Сы́ну, и Свято́му Ду́ху.

Молитвами святителя Феофана, / Милостиве, очисти //
множества согрешений наших.

Лик: И ны́не, и прісно, и во ве́ки веко́в. Ами́нь.

Молитвами Богородицы, / Милостиве, очисти //
множества согрешений наших.

Таже, глас 6: Помілуй мя, Бо́же, / по вели́цей мілости Тво́ей / и по множеству щедро́т Твои́х // очисти беззаконіе моѐ.

Глас 6: Излия́ся благода́ть во устне́х твои́х, / святителю́ Феофа́не, / Богоявле́ния воистину́ проповѣдник в землі́ Росси́йстей яви́лся еси́, / писа́ньми бо твои́ми вся учи́ши // ве́ровати в Тро́ицу, во Еди́ном Божестве́.

Диакон: Спаси́, Бо́же, лю́ди Твоя́....

Лик: Го́споди, поми́луй **(12 раз)**.

Священник: Милостию и щедро́тами и человеколю́бием Единоро́днаго Твоего́ Сы́на, с Ни́мже благослове́н еси́, со Пресвяты́м, и Благо́им, и Животворя́щим Твои́м Ду́хом, ны́не и прісно, и во ве́ки веко́в.

Лик: Ами́нь.

Канон,

Песнь 1

Канон Богоявления. Глас 2.

Ирмос, глас 2: Глубины открыл есть дно/ и сушею Своя влечёт,/ в ней покрыв противныя,/ крепкий во бранех Господь,// яко прославися.

Припев: Слава Тебе, Боже наш, слава Тебе.

Адама истлевшаго обновляет струями Иорданскими/ и змиев главы гнездящихся сокрушает Царь веков, Господь,/ яко прославися.

Припев: Слава Тебе, Боже наш, слава Тебе.

Огнем Божества Невещественным/ в плоть вещественну одеаяся, Иорданскою облагается водою/ воплощйся от Девы Господь, яко прославися.

Канон святителя Феофана. Глас 8.

Припев: Святителю отче Феофане, моли Бога о нас.

Радостно приносяще хваление,/ смиренно к тебе припадающе, просим:/ прими недостойное моление наше, святителю отче Феофане.

Припев: Святителю отче Феофане, моли Бога о нас.

Ангеле земный и человеке Божий,/ в затворе Вышинския обители пребывая,/ непрестанно моляся ко Господу, изъяснял еси людем путь ко спасению.

Слава Отцу, и Сыну, и Святому Духу, и ныне, и присно, и во веки веков. Аминь.

Катавасия

Глас 2: Глубины открыл есть дно/ и сушею Своя влечёт,/ в ней покрыв противныя,/ крепкий во бранех Господь,// яко прославися.

Песнь 3

Канон Богоявления. Глас 2..

Ирмос, глас 2: Крепость дай царем нашим Господь/ и рог помазанных Своих возносай/ от Девы раждается, грядет же ко Крещению./ Тому, вернии, возопиём:// несть свят, яко Бог наш.

Припев: Слава Тебе, Боже наш, слава Тебе.

Неплодная древле и безчадная люте, днесь веселися, Христова Церковь:/ водою бо и Духом сынове тебе родишася, верою зывающе:/ несть свят, якоже Бог наш.

Припев: Слава Тебе, Боже наш, слава Тебе.

Велиим гласом в пустыни вопиет Предтеча:/ Христу уготуйте пути/ и стези Богу нашему правы соделайте, верою зывающе:/ несть свят, якоже Бог наш.

Канон святителя Феофана. Глас 8.

Припев: Святителю отче Феофане, моли Бога о нас.

Имя твое, святителю Феофане,/ яко миро, землю нашу облагоуха,/ услаждающе сердца верных, призывающе всех к духовней радости и спасению.

Припев: Святителю отче Феофане, моли Бога о нас.

Святче Божий, угодниче Христов Феофане,/ призри на немощи наша и исцели души наша,/ страстьми присно обуреваемыя.

Слава Отцу, и Сыну, и Святому Духу, и ныне, и присно, и во веки веков. Аминь.

Катавасия

Глас 2: Крепость дай царем нашим Господь/ и рог помазанных Своих возносай/ от Девы раждается, грядет же ко Крещению./ Тому, вернии, возопиём:// несть свят, яко Бог наш.

Ектения малая

Диакон: Паки и паки, миром Господу помолимся.

Лик: Гóсподи, помíлуй.

Диакон: Заступí, спасí, помíлуй и сохрани нас, Бóже, Твоеóу благодáтию.

Лик: Гóсподи, помíлуй.

Диакон: Пресвятóу, Пречíстую, Преблагословеннóу, Слáвную Влады́чицу нáшу Богорóдицу и Приснодéву Мари́ю со всéми святы́ми помяну́вше, сáми себé и друг дру́га, и весь живóт наш Христу́ Бóгу предад́им.

Лик: Тебé, Гóсподи.

Священник: Яко благ и Человеколю́бец Бог есí, и Тебé слáву возсылаём, Отцú и Сы́ну и Свято́му Дúху, ны́не и прíсно, и во вéки веко́в.

Лик: Амíнь.

Кондаки

Конда́к Богоявлéния

Глас 4: Яв́ился есí днесь вселénней,/ и свет Твой, Гóсподи, зна́менася на нас,/ в рáзуме пою́щих Тя:/ пришёл есí и яв́ился есí,/ Свет Непристу́пный.

Икос: Галилéи язýчестей, Завулóнстей странé и Неффали́мстей земл́и,/ я́коже рече́ проро́к, Свет вели́к возсия́, Христóс./ Омрачénным свéтла яв́ися Заря́, из Вифлеéма облистáющая,/ пáче же из Мари́и Госпóдь, всей вселénней возсияваёт лучи́ Сóлнце прáвды./ Тёмже, íже от Ада́ма назíи, приидíte вси, облечёмся в Него́, да согреёмся,/ покрывáет бо нагíя и просвещáет тёмныя./ Пришёл есí и яв́ился есí, Свет Непристу́пный.

Седа́льны

свт. Феофа́на, Затворника Вышенскаго

Житиé твоё слáвно бысть и успéние со святы́ми,/ свyтче Бóжий Феофа́не,/ ны́не же у Престо́ла Всевы́шняго предсто́яй,/ моли́ся о нас, всеблаже́нне,/ да спасёт Госпóдь дúши нáша.

Слáва Отцú, и Сы́ну, и Свято́му Дúху, и ны́не, и прíсно, и во вéки веко́в. Амíнь.

Иисýсу рóждшуся от Дéвы Мари́и, и во Иорда́не крéщшуся от Иоáнна,/ Дух sníде на Него́, зрímый в вíде голубíне./ Сего́ рáди проро́к со А́нгелы глаго́лаше, зовый:/ слáва пришéствию Твоему́, Христé,/ слáва Цáрствию Твоему́,/ слáва смотре́нию Твоему́, Еди́не Человеколю́бче.

Песнь 4

Канон Богоявления. Глас 2..

Ирмос, глас 2: Услы́шах, Го́споди, глас Твой, е́гоже рекл еси́,/ глас вопи́ющаго в пусты́ни,/ я́ко возгремёл еси́ над вода́ми мно́гими,/ Твоему́ свидѣтельствуяй Сы́ну,/ весь быв соше́дшаго Ду́ха, возопи́:// Ты еси́ Хри́сто́с, Бо́жия му́дрость и си́ла.

Припев: Сла́ва Тебе́, Бо́же на́ш, сла́ва Тебе́.

Очища́емо со́лнце кто ви́де,-/ проповѣдник вопи́ет,- пресвѣтлое естество́м?! Да Тебе́ вода́ми, сия́ние Сла́вы, Отца́ о́браз Присносу́щнаго, омы́ю/ и, се́но сый, Огню́ прикосну́ся Твоего́ Божества́?! Ты бо еси́ Хри́сто́с, Бо́жия му́дрость и си́ла.

Припев: Сла́ва Тебе́, Бо́же на́ш, сла́ва Тебе́.

Яви́ Божественное, е́же имѣ, благоговѣ́ние Моисе́й, прилучи́вся Тебе́,/ я́ко бо из купины́ Тя, возгласи́вша, разуме́, а́бие отврати́ лице́./ Аз же ка́ко Тя уви́жу я́сно?! Или́ ка́ко руку́ положу́ на Тя?! Ты бо еси́ Хри́сто́с, Бо́жия му́дрость и си́ла.

Канон святы́теля Феофа́на. Глас 8. На 4.

Припев: Святы́телю о́тче Феофа́не, моли́ Бо́га о на́с.

Феофа́не святы́телю, ра́зум твой му́дре Хри́сту́ ввѣрил еси́,/ Ца́рствія вѣчнаго сподо́бися,/ моли́ ны́не вся Прему́дростию Сотво́ршаго, да спасѣ́т ду́ши на́ша.

Припев: Святы́телю о́тче Феофа́не, моли́ Бо́га о на́с.

Его́же возлюби́л еси, Его́же Еди́наго возжелѣ́л еси́,/ Его́же ра́ди в затво́ре подвиза́лся еси́,/ моли́ ны́не, да спасѣ́т ду́ши на́ша.

Сла́ва Отцу́, и Сы́ну, и Свято́му Ду́ху, и ны́не, и прісно, и во ве́ки веко́в. Ами́нь.

Катавасія

Глас 2: Услы́шах, Го́споди, глас Твой, е́гоже рекл еси́,/ глас вопи́ющаго в пусты́ни,/ я́ко возгремёл еси́ над вода́ми мно́гими,/ Твоему́ свидѣтельствуяй Сы́ну,/ весь быв соше́д-

шаго Духа, возопи:// Ты еси Христос, Божия мудрость и сила.

Песнь 5

Канон Богоявления. Глас 2..

Ирмос, глас 2: Иисус, живота начальник,/ разрешити осуждение грядет Адама первозданного,/ очищений же яко Бог не требуя,/ падшаго очищает во Иордане,/ в немже вражду убив,// преимущ всяк ум мир дарует.

Припев: Слава Тебе, Боже наш, слава Тебе.

Сшедшимся без числа людем от Иоанна креститися, сам посреде их ста./ Провозгласи же предстоящим:/ кто показа, непокоривии, гнева вам уклонитися, хотящаго быти?/ Плоды достойны Христу сотворите:/ Предстояй бо ныне мир дарует.

Припев: Слава Тебе, Боже наш, слава Тебе.

Делатель и Зиждитель, посреде стояй, яко Един всех сердца испытует,/ очистительную же лопату рукою прием,/ всемирное гумно всеумдре разлучает, неплодие паля,/ благоплодным вечный живот дарует.

Канон святителя Феофана. Глас 8. На 4.

Припев: Святителю отче Феофане, моли Бога о нас.

Ангели на Небеси радуются,/ человецы на земли духовно торжествуют,/ память совершающе святителя Феофана, дивнаго о всех нас молитвенника.

Припев: Святителю отче Феофане, моли Бога о нас.

Научи нас, блаженне Феофане,/ веди Христа, Света истиннаго,/ просвещающаго всякаго человека, грядущаго в мир.

Слава Отцу, и Сыну, и Святому Духу, и ныне, и присно, и во веки веков. Аминь.

Катавасия

Глас 2: Иисус, живота начальник,/ разрешити осуждение грядет Адама первозданного,/ очищений же яко Бог не тре-

буя,/ падшаго очищает во Иордане,/ в нёмже вражду убив,//
преимущ всяк ум мир дарует.

Песнь 6

Канон Богоявления. Глас 2..

Ирмос, глас 2: лас Словесё, светильник Света,/ денница
Солнца, Предтеча в пустыни,/ — покайтесь, — всем вопиёт
людem, — и предпочиститесь:/ се бо предстоит Христос,// от
тли мир избавляяй.

Припев: Слава Тебё, Боже наш, слава Тебё.

Рождсья нетленно от Бога и Отца,/ от Девы кроме скверны воплощается
Христос,/ Емуже ремень, яже от нас Слова сочтания, разрешити неудоб,
учит Предтеча,/ земнородныя от лести избавляя.

Припев: Слава Тебё, Боже наш, слава Тебё.

Огнём крестит конечным Христос противныя,/ а не Бога мудрствующих
Его,/ Духом же обновляет водою благодати разумливыя Божества Его,/ от
прегрешений избавляя.

Канон святителя Феофана. Глас 8. На 4.

Припев: Святителю отче Феофане, моли Бога о нас.

Шёл еси тесным путём ко спасению,/ короткий Кроткому взывая непре-
станно:/ мне прилепятся Богу благо есть.

Припев: Святителю отче Феофане, моли Бога о нас.

Истины Христовы вожделев,/ скорби и обиды радостно терпел еси, по-
мышляя непрестанно,/ якоже венец без победы, такожде победа без
подвига не бываёт.

Слава Отцу, и Сыну, и Святому Духу, и ныне, и присно, и во веки веков.
Аминь.

Катавасия

Глас 2: Глас Словесё, светильник Света,/ денница Солнца,
Предтеча в пустыни,/ — покайтесь, — всем вопиёт людem,

— и предпочиститесь:/ се бо предстоит Христос,// от тли мир избавляяй.

Ектения малая

Диакон: Паки и паки, миром Господу помолимся.

Лик: Господи, помилуй.

Диакон: Заступи, спаси, помилуй и сохрани нас, Боже, Твоею благодатию.

Лик: Господи, помилуй.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию со всеми святыми помянувше, сами себе и друг друга, и весь живот наш Христу Богу предадим.

Лик: Тебе, Господи.

Священник: Яко благ и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно, и во веки веков.

Лик: Аминь.

Кондак

свт. Феофана, Затворника Вышенского

Глас 4: Богоявлению тезоименитый,/ святителю Феофане,/ ученьми Твоими многи люди просветил еси,/ со Ангелы ныне предстоя Престолу Святыя Троицы,// моли непрестанно о всех нас.

Икос: Якоже явление Божественных дарований воистину показался еси земли Российстей,/ святителю Феофане, пастырю добрый стада Христова,/ вразумляя житием, словом и писанием наставляя./ И ныне Престолу Пресвятыя Троицы предстоя,/ со дерзновением воздевая преподобней руке твоей,/ моли непрестанно о всех нас.

Песнь 7

Канон Богоявления. Глас 2..

Ирмос, глас 2: Юноши благочестивыя, пещи огненной приобщившиися,/ шумящ дух росный невредимы сохрани/ и Божия Ангела низхождение./ Темже, в пламени орошаеми, благодарственно воспеваху:// препетый отец Господи и Боже, благословен еси.

Припев: Слава Тебе, Боже наш, слава Тебе.

Якоже на Небеси, с трепетом и чудом предстояху/ во Иордане силы Ангельския, смотряюще толка Божия схождения:/ яко Держай превышних вод состав, в водах Плотносец стояше,/ Бог отец наших.

Припев: Слава Тебе, Боже наш, слава Тебе.

Облак древле и море Божественного проображаху Крещения чудо,/ в нихже древнии крестяся, исходяще законнии людие./ Море же бе образ воды, и облак – Духа./ Имиже совершаеми,– благословен еси,– зовем,– Господи Боже, во веки.

Канон святителя Феофана. Глас 8. На 4.

Припев: Святителю отче Феофане, моли Бога о нас.

Крестный путь Подвигположника Христа вину пред собою имея,/ путем тесным, ведущим в жизнь вечную, шествовал еси, блаженне, взывая непрестанно:/ благословен Бог отец наших.

Припев: Святителю отче Феофане, моли Бога о нас.

Илии Фесвитянину ревностию подражал еси, святителю Феофане,/ любовью Божественною сердце твоё распалая, в терпении душу твою стяжал еси, вопия:/ благословен Бог отец наших.

Слава Отцу, и Сыну, и Святому Духу, и ныне, и присно, и во веки веков. Аминь.

Катавасия

Глас 2: Юноши благочестивыя, пещи огненной приобщившиися,/ шумящ дух росный невредимы сохрани/ и Божия Ангела низхождение./ Темже, в пламени орошаеми, благо-

дърствено воспевáху:// препéтый отéц Гóсподи и Бóже, благословéн еси́.

Песнь 8

Канон Богоявлéния. Глас 2..

Ирмос, глас 2: Тайну преслáвную вавилонская показá пещь, источившая рóсу,/ яко струя́ми имя́ше неведéственный Огнь восприя́ти Иорда́н/ и объ́яти плóтию крещáема Зиждителя́,/ Егóже благословя́т лю́дие// и превозно́сят во вся вéки.

Припев: Сла́ва Тебé, Бóже наш, сла́ва Тебé.

Отложí страх весь,— Избáвитель Предте́чи рече́,-/ Мне же повинíся, яко Благо́му,/ Мне приступí, сиé бо естество́м бых,/ Моим повелéнием покорíся и крестí Мя, сошедшаго,/ Егóже благословя́т лю́дие и превозно́сят во вся вéки.

Припев: Сла́ва Тебé, Бóже наш, сла́ва Тебé.

Глаго́лы якоже услы́ша Крестíteль Влады́чни, с трéпетом длань простира́ет,/ обáче же, руко́ю косну́вся верху́ Зиждителя́ своего́, Крещшемуся вопия́ше:/ освятí мя, Ты бо еси́ Бог мой,/ Егóже благословя́т лю́дие и превозно́сят во вся вéки.

Канон святи́теля Феофа́на. Глас 8. На 4.

Припев: Святи́телю отче Феофа́не, моли́ Бóга о нас.

О́троцы, благослови́те, священни́цы, воспóйте,/ лю́дие, превозноси́те Христа́ во вéки,/ соверша́юще вéлие торжество́ прославлéния угóдника Бóжия, святи́теля Феофа́на.

Припев: Святи́телю отче Феофа́не, моли́ Бóга о нас.

Досто́йно воспевáти Бóжию Сла́ву научáл еси́ всех, проповéдниче благочéстия Феофа́не,/ и нас, ны́не с véрою пришéдших к тебе́, сему́ научи́,/ да сла́вится и́мя Бóжие во вéки.

Благослови́м Отца́ и Сы́на и Свята́го Ду́ха, Гóспода, и ны́не, и прíсно, и во вéки веко́в. Ами́нь.

Лик: Хва́лим, благослови́м, покланя́емся Го́сподеви, пою́ще и превозно́сяще во вся ве́ки.

Катавасия

Глас 2: Та́йну пресла́вную вавило́нская показа́ пещь, исто́чившая ро́су,/ я́ко струя́ми имяше невеще́ственный Огнь восприя́ти Иорда́н/ и объя́ти плóтию крещáема Зижди́теля,/ Егóже благословя́т лю́дие// и превозно́сят во вся ве́ки.

Диакон: Богоро́дицу и Мате́рь Све́та в пе́снях возвели́чим.

Песнь Пресвятыя Богородицы

Лик: Вели́чит душа́ Моя́ Го́спода, и возра́довася дух Мой о Бо́зе Спа́се Моём.

Припев: Честне́йшую Херувим и сла́внейшую без сравне́ния Серафим, без ислéния Бо́га Сло́ва ро́ждшую, су́щую Бого́родицу, Тя велича́ем.

Я́ко призре́ на смире́ние Рабы́ Своея́, се бо от ны́не ублажа́т Мя вси ро́ди.

Припев: Честне́йшую Херувим и сла́внейшую без сравне́ния Серафим, без ислéния Бо́га Сло́ва ро́ждшую, су́щую Бого́родицу, Тя велича́ем.

Я́ко сотвори́ Мне вели́чие Си́льный, и свя́то имя́ Егó, и ми́лость Егó в ро́ды родо́в боя́щимся Егó.

Припев: Честне́йшую Херувим и сла́внейшую без сравне́ния Серафим, без ислéния Бо́га Сло́ва ро́ждшую, су́щую Бого́родицу, Тя велича́ем.

Сотвори́ держа́ву мы́шцею Своёю, расточи́ го́рдия мы́слию се́рдца их.

Припев: Честне́йшую Херувим и сла́внейшую без сравне́ния Серафим, без ислéния Бо́га Сло́ва ро́ждшую, су́щую Бого́родицу, Тя велича́ем.

Низложі сільныя со престол, и вознесé смиренныя; алчущія исполни благ, и богатящіяся отпусти тщи.

Припев: Честнейшую Херувим и славнейшую без сравнения Серафим, без истления Бога Слова рождшую, сущую Богородицу, Тя величаем.

Восприят Израиля отрока Своего, помянути милости, якоже глагола ко отцем нашим, Аврааму и семени его даже до века.

Припев: Честнейшую Херувим и славнейшую без сравнения Серафим, без истления Бога Слова рождшую, сущую Богородицу, Тя величаем.

Песнь 9

Канон Богоявления. Глас 2..

Ирмос, глас 2: Не доумееет всяк язык благохвалити по достоинию,/ изумевает же ум и премирный пети Тя, Богородице:/ обаче Благая сущи, веру примим,/ ибо любовь веси Божественную нашу,// Ты бо христиан еси Предстательница, Тя величаем.

Припев: Слава Тебе, Боже наш, слава Тебе.

Давиде, прииди Духом к просвещенным,- ныне приступите,- пой к Богу,- верую,- глаголя,- просветитесь!/ Сей нищий воззва Адам в падении, ибо Того услыша Господь,/ пришед, струями Иорданскими тленного же обнови.

Припев: Слава Тебе, Боже наш, слава Тебе.

Исаия,- измыйтесь, очиститесь – глаголет,- лукавствия пред Господем оставите./ Жаждущии, на воду живу идите:/ кропит бо водою, обновляя, Христос приступающия к Немю верую/ и к животу нестареемому крещает Духом.

Канон святителя Феофана. Глас 8. На 4.

Припев: Святителю отче Феофане, моли Бога о нас.

Жизни вѣчныя сподобился еси, святителю,/ буди ходатай и молитвенник
теплый о нас к Богу,/ верою память твою священную празднующих.

Припев: Святителю отче Феофане, моли Бога о нас.

Новый воистину чудотворец явился еси, Феофане богомудре,/ яко целитель
премилостивый и врач безмездный душ и телес всех с верою к тебе притекающих,
милуя и утешая и щедроты твоя преизобильно изливая.

Слава Отцу, и Сыну, и Святому Духу, и ныне, и присно, и во веки веков.
Аминь.

Катавасия

Глас 2: Недоумѣет всяк языкъ благохвалити по достоянью,
изумевает же ум и премирный пѣти Тя, Богородице:/ обаче
Благая сущи, веру прими,/ ибо любовь веси Божественную нашу,/
Ты бо христиан еси Предстательница, Тя величаем.

Ектения малая

Диакон: Паки и паки, миром Господу помолимся.

Лик: Господи, помилуй.

Диакон: Заступи, спаси, помилуй и сохрани нас, Боже, Твоею благодатию.

Лик: Господи, помилуй.

Диакон: Пресвятую, Пречистую, Преблагословенную, Славную Владычицу
нашу Богородицу и Приснодеву Марию со всеми святыми помянувше, сами себе
и друг друга, и весь живот наш Христу Богу предадим.

Лик: Тебе, Господи.

Священник: Яко благ и Человеколюбец Бог еси, и Тебе славу возсылаем, Отцу
и Сыну и Святому Духу, ныне и присно, и во веки веков.

Лик: Аминь.

Светильны

Чтец: Светильника, свѣше просвещаемого,/ свѣтом Божественным осияема,/ святителя Феофана, радующа, пѣснями почтим.

Слава Отцу, и Сыну, и Святому Духу, и ныне и присно, и во веки веков. Аминь.

Явился Спас, Благодать и Истина во струях Иорданских/ и сущия во тьме и сени спящих просветил есть,/ ибо придет и явится Свет Непреступный.

Стихиры на хвалитех

Канонарх: Глас 2, Всякое дыханіе да хвалит Господа.

Всякое дыханіе да хвалит Господа./ Хвалите Господа с Небес,/ хвалите Его в вышних.// Тебе подобает песнь Богу.

Хвалите Его, вси Ангели Его,/ хвалите Его, вся Силы Его.// Тебе подобает песнь Богу.

попразднства Богоявления на 2

Стих: На 4: Хвалите Его на силах Его, /
хвалите Его по множеству величества Его.

Ныне странно Спас человеком дарует очищение,/ кроме изваряя огня// и назидая души без сокрушения.

Стих: Хвалите Его во гласе трубнем, /
хвалите Его во псалтири и гуслах.

Воду Божественная жизни/ от источников спасительных,/ люди, с веселием почерпите усердно// душ на избавление.

Свят. Филипп митр. Московский на 2. Глас 7

Глас 7. Стих: Хвалите Его в тимпане и лице, /
хвалите Его во струнах и органе.

Возсия́ нам богоу́годное жити́е твоё, / святителю́ отче Фео-
фа́не, / Вѣшинский затво́рниче, / все плотско́е мудрова́ние
ду́ху повину́л еси́, / моли́ся о нас, / соверша́ющих священную
па́мь твою́, // да спасёт Госпо́дь ду́ши на́ша.

Стих: Хвалите́ Его́ в кимвáleх доброгласных, хвалите́ Его́ в кимвáleх
воскли́цания. /

Всякое дыха́ние да хва́лит Го́спода.

По́двигов ино́ческих и воздержáния зерца́ло, / любве́ же и
смирéния сокрови́ще неистощíмое яви́лся еси́, о́тче Фео-
фа́не, / те́мже чту́ще святу́ю па́мь твою́, / венча́вшего тя
Христа́ прославля́ем, / Его́же усер́дно моли́, // да спасёт ду́ши
на́ша.

Сла́ва, глас 7:

Сла́ва Отцу́, и Сы́ну, и Свято́му Ду́ху.

Благоче́стия му́дрый пропове́дниче, / Правосла́вия изряд-
ный богосло́ве, / изъясня́л еси́ лю́дем та́йны жи́зни духо́в-
ных / и та́ко мно́гия к ве́ре в Триеди́наго Бо́га привёл еси́, /
те́мже чту́ще святу́ю па́мь твою́, / богонóсне о́тче Фео-
фа́не, / кúпно с тобо́ю взыва́ем: // Трои́це Свята́я, Бо́же наш,
сла́ва тебе́.

И ны́не, глас 8:

И ны́не, и прísно, и во ве́ки веко́в. Ами́нь.

Го́споди, испо́лнити хотя́, / яже уста́вил еси́ от ве́ка, / от всея́
твáри служи́тели та́йны Твоея́ прия́л еси́: / от А́нгел – Гаври-
íла, от челове́к – Де́ву, / от Небе́с звезду́, и от во́д – Иорда́н, /

в нёмже беззаконие мирское потреби́л еси́, // Спа́се наш, сла́ва Тебе́.

Священник: Сла́ва Тебе́, Показавшему нам свет.

Славословие великое

Лик: Сла́ва в вы́шних Бо́гу, и на землі мир, в челове́цах благоволе́ние. Хва́лим Тя, благослови́м Тя, кла́няем Ти ся, славосло́вим Тя, благодарі́м Тя вели́кия ра́ди сла́вы Твоея́. Го́споди, Царю́ Небе́сный, Боже, О́тче Вседержітелю, Го́споди Сы́не Единоро́дный, Иису́се Христе́, и Святы́й Ду́ше. Го́споди Бо́же, А́гнче Бо́жий, Сы́не Оте́чь, вземляй грех ми́ра, помілуй нас. Вземляй грехи́ ми́ра, приими́ моли́тву на́шу. Седя́й одесну́ю Отца́, помілуй нас. Я́ко Ты еси́ Еди́н Свят; Ты еси́ Еди́н Госпо́дь, Иису́с Христо́с, в сла́ву Бо́га Отца́, ами́нь.

На всяк день благословлю́ Тя и восхваляю́ імя Твое́ во ве́ки, и в век ве́ка. Сподо́би, Го́споди, в день сей без греха́ сохра́ниться нам. Благословен еси́, Го́споди Бо́же отец на́ших, и хва́льно и просла́влено імя Твое́ во ве́ки, ами́нь.

Бу́ди, Го́споди, ми́лость Твоя́ на нас, я́коже упова́хом на Тя. Благословен еси́, Го́споди, научи́ мя оправда́нием Твои́м **(Трижды)**.

Го́споди, прибе́жище был еси́ нам в род и род. Аз рех: Го́споди, помілуй мя, исцели́ ду́шу мою́, я́ко согреши́х Тебе́.

Господи, к Тебе прибегах, научи мя творить волю Твою, яко Ты еси Бог мой, яко у Тебе источник живота, во свете Твоем узрим свет. Пробоуди милость Твою ведущим Тя.

Святый Боже, Святый Крепкий, Святый Безсмертный, помилуй нас *(Трижды)*.

Слава Отцу и Сыну и Святому Духу, и ныне и присно и во веки веков, аминь.

Святый Безсмертный, помилуй нас.

Таже высочайшим гласом: Святый Боже, Святый Крепкий, Святый Безсмертный, помилуй нас.

Тропари в конец Утрени

Тропарь свт. Феофана, Затворника Вышенского, глас 8

Православия наставниче, / благочестия учителю и чистоты, /
Вышинский подвижниче, святителю Феофане богомудре, /
писаньми твоими Слово Божие изъяснил еси / и всем верным
путь ко спасению указал еси, // моли Христа Бога спасти
ся душам нашим.

Слава Отцу, и Сыну, и Святому Духу, и ныне, и присно, и во
веки веков. Аминь.

Тропарь Богоявления, глас 1

Во Иордане крещаящуся Тебе, Господи, / Троическое явися
поклонение: / Родителей бо глас свидетельствоваше Тебе, /
возлюбленного Тя Сына именуя, / и Дух в виде голубине, /

**извѣствоваше словесѣ утверждѣние./ Явлѣйся Христе́
Бо́же// и мир просвещѣй, сла́ва Тебѣ.**

Сугубая ектенія

Диакон: Помилуй нас, Бо́же, по велицей милости Твое́й, мо́лим Ти ся, услы́ши и помилуй.

Лик: Го́споди, помилуй *(трижды)*. *(на каждое прошение)*

Священник: Яко Милостив и Человеколюбец Бог еси́, и Тебѣ сла́ву возсыла́ем, Отцу́ и Сыну́ и Свято́му Ду́ху, ны́не и прѣсно и во ве́ки веко́в.

Лик: Амѣнь.

Ектенія просительная

Диакон: Исполним у́треннюю моли́тву на́шу Го́сподеви.

Лик: Го́споди, помилуй. *(на каждое прошение)*

Диакон: Дне всего́ совершенна, свѣта, мирна и безгрѣшна у Го́спода прѣсим.

Лик: Пода́й, Го́споди. *(на каждое прошение)*

Диакон: Пресвятую, Пречистую, Преблагословенную, Сла́вную Владѣицу на́шу Богородицу и Присноде́ву Марию́ со все́ми свѣты́ми помяну́вше, са́ми себѣ и друг дру́га, и весь живѣт наш Христу́ Бо́гу преда́дим.

Лик: Тебѣ, Го́споди.

Священник: Яко Бог милости и щедрѣт и человеколю́бия еси́, и Тебѣ сла́ву возсыла́ем, Отцу́ и Сыну́ и Свято́му Ду́ху, ны́не и прѣсно и во ве́ки веко́в.

Лик: Амѣнь.

Священник: Мир всем.

Лик: И ду́хови твоemú.

Диакон: Главѣ на́ша Го́сподеви приклѣним.

Лик: Тебѣ, Го́споди.

Священник: Твое́ бо есть, е́же милѣвати и спаса́ти ны, Бо́же наш, и Тебѣ сла́ву возсыла́ем, Отцу́ и Сыну́ и Свято́му Ду́ху, ны́не и прѣсно и во ве́ки веко́в.

Лик: Амѣнь.

Диакон: Премудрость.

Лик: Благослові.

Священник: Сый благословѣн Христос, Бог наш, всегда, ныне и присно, и во веки веков.

Лик: Амѣнь. Утверди, Боже, святую православную веру, православных христиан во век века.

Священник: Пресвятая Богородице, спаси нас.

Лик: Честнейшую Херувим и славнейшую без сравнения Серафим, без истления Бога Слова рождшую, сущую Богородицу, Тя величаем.

Священник: Слава Тебе, Христе Боже, упование наше, слава Тебе.

Лик: Слава Отцу и Сыну и Святому Духу, и ныне и присно и во веки веков. Амѣнь. Господи, помилуй (*трижды*). Благослові.

Отпуст

Иже во Иордане крестится изволивый от Иоанна, нашего ради спасения, Христос Истинный Бог наш, молитвами Пречистой Своей Матере, свт. Феофана, Затворника Вышенского, и всех святых, помилует и спасет нас, яко Благ и Человеколюбец.

Многолетие

Лик: Великаго господина и отца нашего Кирилла, / Святѣйшаго Патриарха Московскаго и всея Руси, / богохранимую страну нашу Россійскую, / настоятеля, братию и прихожан святаго храма сего, / и вся православныя христианы, // Господи, сохрани их на многая лета.

1-й час

Чтец: Приидите, поклонимся Цареву нашему Богу.

Приидите, поклонимся и припадём Христу, Цареву нашему Богу.

Приидите, поклонимся и припадём Самому Христу, Цареву и Богу нашему.

Псалом 5

Глаголы моя внуши, Господи, разумей звание мое. Вонми гласу моления моего, Царю мой и Боже мой, яко к Тебе помолюся, Господи. Заутра услыши глас мой, заутра предстану Ти, и узриши мя. Яко Бог не хотяй беззакония, Ты еси: не приселится к Тебе лукавнуяй, ниже пребудут беззаконницы пред очима Твоима: возненавидел еси вся делающыя беззаконие. Погубиши вся глаголющыя лжу: мужа кровей и лстыва гнушается Господь. Аз же множеством милости Твоея, вниду в дом Твой, поклонюся ко храму святому Твоему, в страхе Твоем. Господи, настави мя правдою Твоею, враг моих ради исправи пред Тобою путь мой. Яко несть во устех их истины, сердце их суетно, гроб отверст гортань их: языки своими льщаху. Суди им, Боже, да отпадут от мыслей своих, по множеству нечестия их изрини я, яко преогорчиша Тя, Господи. И да возвеселятся вси уповающи на Тя, во век возрадуются, и вселишися в них, и похваляться о Тебе любящим имя Твое. Яко Ты благословиши праведника, Господи: яко оружием благоволения венчал еси нас.

Псалом 89

Господи, прибежище был еси нам в род и род. Прежде даже горам не быти и создатися земли и вселенней, и от века и до века Ты еси. Не отврати человека во смирение, и рекл еси: обратитесь, сынове человечести. Яко тысяща лет пред очима Твоима, Господи, яко день вчерашний, иже мимоиде, и стража ночная. Уничужения их лета будут. Утро яко трава мимоидет, утро процветет и прейдет: на вечер отпадет ожестеет и исхнет. Яко исчезохом гневом Твоим, и яростию Твоею смутихомся. Положил еси беззакония наша пред Тобою: век наш в просвещение лица Твоего. Яко вси дние наши оскудеша, и гневом Твоим исчезохом, лета наша яко паучина поучахуся. Дние лет наших, в нихже седьдесят лет, аще же в силах, осьмьдесят лет, и множае их труд и болезнь: яко прииде кротость на ны, и накажемся. Кто вест державу гнева Твоего, и от страха Твоего, ярость Твою исчестити? Десницу Твою тако скажи ми, и окованныя сердца

цем в мудрости. Обратися, Господи, доколе? И умолен буди на рабы Твоя. Исполнихомся завтра милости Твоея, Господи, и возрадовахомся, и возвеселихомся, во вся дни наша возвеселихомся, за дни в няже смирил ны еси, лета в няже видехом злая. И призри на рабы Твоя, и на дела Твоя, и настави сыны их. И буди светлость Господа Бога нашего на нас, и дела рук наших исправи на нас, и дело рук наших исправи.

Псалом 100

Милость и суд воспою Тебе, Господи. Пою и разумю в пути непорочне, когда приидеши ко мне? Прехождях в незлобии сердца моего посреде дому моего. Не предлагал пред очима моима вещь законопреступную: творящая преступление возненавидел. Не прильпе мне сердце строптиво, уклоняющегося от мене лукаваго не познал. Оклеветавшего тай искренняго своего, сего изгонял: гордым оком, и несытым сердцем, с сим не ядях. Очи мои на верныя земли, посадати я со мною: ходяй по пути непорочну, сей ми служаше. Не живяше посреде дому моего творяй гордыню, глаголяй неправедная, не исправляше пред очима моима. Во утрия избивах вся грешныя земли, еже потребити от града Господня вся делающыя беззаконие.

Слава Отцу и Сыну и Святому Духу, и ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. (Трижды)

Господи, помилуй. (Трижды)

Тропарь Богоявления, глас 1

Во Иордане крещаящуся Тебе, Господи,/ Тройческое явися поклонение:/ Родителей бо глас свидетельствоваше Тебе,/ возлюбленнаго Тя Сына именуя,/ и Дух в виде голубине,/ извествоваше словесе утверждение./ Явлейся Христе Боже/ и мир просвещей, слава Тебе.

Слава Отцу, и Сыну, и Святому Духу.

Православия наставниче,/ благочестия учителю и чистоты,/ Вышинский подвижниче, святителю Феофане богомудре,/ писанными твоими Слово Божие изъяснил еси/ и всем верным путь ко спасению указал еси,/ моли Христа Бога спастися душам нашим.

Чтец: И ныне, и присно, и во веки веков. Аминь.

Богородичен: Что Тя наречём, о Благодатная? / Небо, яко возсияла еси Солнце Правды. / Рай, яко прозябла еси цвет нетления. / Деву, яко пребыла еси нетленна. / Чистую Матерь, яко имела еси на святых Твоих объятиях Сына, всех Бога. / Того моли спастися душам нашим.

Стопы моя направи по словеси Твоему / и да не обладает мною всякое беззаконие.

Избави мя от клеветы человеческия, / и сохранию заповеди Твоя.

Лице Твое просвети на раба Твоего / и научи мя оправданием Твоим.

Да исполнятся уста моя хваления Твоего, Господи, / яко да воспою славу Твою, / весь день великолепие Твое.

Святый Боже, Святый Крепкий, Святый Безсмертный, помилуй нас. **(Трижды, с крестным знаменем и поясным поклоном)**

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй. **(Трижды)**

Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на небесах! Да святится имя Твое, да придет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Священник: Яко Твое есть Царство и сила, и слава Отца и Сына и Святаго Духа, и ныне и присно и во веки веков.

Чтец: Аминь.

Кондак Богоявления, глас 4

Явился еси днесь вселенней, / и свет Твой, Господи, знаменася на нас, / в разуме поющих Тя: / пришёл еси и явился еси, / Свет Неприступный.

Господи, помилуй **(40 раз)**.

Иже на всякое время и на всякий час, на Небеси и на земли, покланяемый и славимый, Христэ Боже, Долготерпеливе, Многомилостиве, Много-

благоутрѣбне, Ёже праведныя любяй и грѣшныя мѣлуяй, Ёже вся зовѣй ко спасѣнію обещанія ради бѣдущих благ. Сам, Господи, приими и наша в час сей молитвы и исправи живот наш к заповедем Твоим, души наша освяти, телеса очисти, помышления исправи, мысли очисти и избави нас от всякия скорби, зол и болезней, оградѣ нас святыми Твоими Ангелы, да ополчением их соблюдаеми и наставляеми, достигнем в соединение веры и в разум неприступныя Твоея славы, яко благословен еси во веки веков, аминь.

Господи, помилуй, (Трижды).

Слава Отцу и Сыну и Святому Духу, и ныне и присно и во веки веков. Аминь.

Честнейшую Херувим/ и славнейшую без сравнения Серафим,/ без ислѣния Бога Слова рождшую,/ сущую Богородицу, Тя величаем.

Именем Господним благослови, отче.

Священник: Боже, ущѣдри ны и благослови ны, просветѣ лице Твое на ны и помилуй ны.

Чтец: Аминь.

Священник: Христѣ, Свете Истинный, просвещаяй и освящаяй всякаго человека, грядущаго в мир, да знаменается на нас свет лица Твоего, да в нем узрим Свет Неприступный: и исправи стопы наша к деланию заповедей Твоих, молитвами Пречистыя Твоея Матере, и всех Твоих святых, аминь.

Лик: Глас 4: Явился еси днесь вселенней,/ и свет Твой, Господи, знаменася на нас,/ в разуме поющих Тя:/ пришел еси и явился еси, // Свет Неприступный.

Священник: Слава Тебѣ, Христѣ Боже, упование наше, слава Тебѣ.

Лик: Слава Отцу и Сыну и Святому Духу, и ныне и присно и во веки веков. Аминь. Господи, помилуй, **(Трижды)** Благослови.

Отпуст

Христос Истинный Бог наш, молитвами Пречистой Своей Матере, преподобных и богоносных отец наших и всех святых, помилует и спасет нас, яко Благ и Человеколюбец.

Лик: Господи, помилуй, (Трижды).